



Zaplijenjena veća količina heroina

Pored 660 grama heroina visokog kvaliteta, pronađena su i dva kg smjese za miksanje koja sadrži procenat heroina

U akciji kodnog naziva Povratnik, pripadnici **SIPA** su 21. avgusta na području Mostara uhapsili Srđana Krndiju (1990), rođenog u Banjoj Luci, zakojim se tragalo. Pripadnici **SIPA** i policije Brčko distrikta BiH operativnim radom otkrili su lokacije na kojima su skrivana narkotička sredstva, čija vrijednost na ilegalnom narkotržištu dostiže cijenu oko 100.000 KM.

Naime, prilikom pretresa objekta u Brčkom pronašli su 660 grama heroina visokog kvaliteta i stepena čistoće. Također, pronađena su i dva kilograma smjese za miksanje koja, vjerovatno, sadrži određeni procenat heroina i drugi predmeti koji mogu poslužiti kao dokaz u daljem postupku, a što je jedna od najvećih zapljena heroina u BiH u proteklom periodu, saopšteno je iz Tužilaštva BiH.

Nakon kriminalističke obrade Krndija je predat Tužilaštvu BiH.

Dodajmo da je Sud BiH odredio pritvor Aleksi i Petru Krndija, te Vojislavu Žugiću uhapšenim 16. avgusta u akciji Povratnik koja je usmjerena na borbu protiv



Droga nađena u Brčkom / SIPA

narkokriminala u BiH i onih koji su se bavili međunarodnim švercom droge u BiH, te daljom distribucijom narkotika na ilegalnom narkotržištu prema BiH i inostranstvu.

Kao što smo već pisali, 16. avgusta pretreseni su objekti na 10 lokacija na području Brčkog i Tuzle. U okviru ove akcije pronađeno je 600 grama heroina, 100 grama marihuane,

nekoliko tableta ekstazija, digitalna vaga, folije i selotejp korišten za pakovanje droge. Također, nađeni su vatreno oružje bez dozvole sa municijom, laptopi, računari, mobilni telefoni i SIM kartice, uređaji za pohranu podataka, određeni dokumenti, bilješke i rokovnici, određena količina zlata i oko 30.000 KM.

DRAGAN PAVLOVIĆ